

林屋集卷之四

山人蔡羽著

古狂

際會雲鳳興乘時偉夫見弄丸解仇讐遊談已征戰
棄襦函谷關緩頰曲陽傳芒刃不易投玩狎赴機變
竒踪快前圖馨烈餘後羨皎皎功名徒黃金詎能勸

古貞

區區亦良勤去去何寂寞人情豈難諧天命有厚薄
昨晨周廟膚今晨首陽藿不作覲面人寧憂腐丘壑
旨酒令人醜長組自羈縛勿使金石渝千秋末卓學

徐錦衣園亭五首

紫臺多曲砌銀榜在松楸花隔朱簾霧霞飛碧宇秋

柳偏嫌舞細山自隱眉羞客發還邀月金沙得緩遊
威里雲中第平臺水上明曲欄晴聞鴨別院晚聞鶯
砌草香珠履林花濕翠纓不因公子雅得聽玉樓笙
磧底低回路峯陰復見花重重臺間錦步步石流霞
管從林中鳥燈移水上紗應劉今夜飲端在魏王家
釵砌亭亭別金鋪院院通洞深藏鳥翠藻煖躍鱗紅
杯染鍾山色香含玉樹風西園名義久虛席我何功
夕樂翻新譜涼庭改玉厨水邊聯桂席月下傍霜鳧
酬德情難已終觴意未殊中山今夜馬不避李金吾

春日鷄鳴寺

江南揚柳空青青江邊路好無人行不知爛熳花何
處空聽嚶嚶竹裡聲鍾山工氣連宮禁臺城伴樹

鬱春晴獨領風烟無飲興晚來吹笛最分明

報恩寺

朱雀航前路長干市上花玉城天邑壯金壁佛圖奢
寒藻盤林翠秋陰積砌霞遠公迎客處桂子落袈裟

懷舍中牡丹

輕薄東風燕子斜長安有客未還家燒燈不是春山
夜對月虛懷舊館花掛處小屏霞寂寞夢中芳草蝶
誼譁天涯物候關情極乘興思浮碧海槎

贈宋克貞

藝圃晨夜耕勵志終當奮聚螢亦太拙簞豆但推分
能行古人事勿懷今人愠含冰著義烈咀霜有餘韻
顧彼堂堂高詎若恂恂近睥睨宋子垣儼聞絃歌訓

雪後南泛宿潘氏

黃蘆蕭蕭寒草短日光白有客弄煙綺獨掛滄江席
起披楞伽雪忽見茶磨春蓬萊白銀宮宛轉在几格
天華動物表霽色澄川陷鶴立千年松練掛一片石
古厓屏風青冰壺金鯉赤雞鳴楓樹林馬度梅花驛
茫茫五湖間未見范蠡宅悲歌對尊酒浮生苦行役
春盡與潘崇禮宿玄墓

春杪百藥消松拍獨含滋朝輿指遠山山遠行者疲
旋崖御雲師飛壑驟風騏諸天盡超勝次第迂館池
既藉檀藥綠復蔭三花枝出入兜率宮靜嘯雲日管
長煙引包山高攀歌紫芝山空紫芝老世遠丘壑卑
冰炎本殊境此地應付誰上士悟塵鞅浮豫及佳期

佳期容易失支公勿復疑載歷中條梯曳杖遲所知

晚眺

芳草無花落高樓見綠煙殘春餘客思霽色滿江天
醉不堪絲竹愁難着杜鵑霞邊帆影盡歸心空日縣

虎山橋

初出山腹中復見水行處透遲得平墟蒼茫急回顧
山梁不爲高延攬自成趣風條薄林翠珍木接葉香
前葩未及瘁後萼重競芳朝遊屢過生霞石夜宿曾
投松栢房從來不識銅坑面今日青青落吾掌上崦
何明媚下崦亦清朗楊花飛飛青錦陂荇葉差差木
蘭槩前帆滅後榜興長川引領雲憑憑游絲起煖氣
昏須臾不見西華村東風吹亂鷄鶉群水西顏色何

紛紛繫馬荒祠忘夕曛

寄錢元抑

鑑湖昔稱絕何如漕湖月知章昔清望錢子今人傑
躡虛歌曾深綠霞起突惚談經四面至載月中夜發
予亦山中人邀期互出沒安得遵桂丘梯雲扣瑤碣

雨中過馬禪

不到東林久穿雲覓皎然花開古瓶鐵樹合暮鍾煙
屐齒愛蒼蘚吟筇因白蓮鶴歸僧定起細飲竹爐泉
投宿潘和甫

古社深藏屋谿舫遠趁人樹生東浦月雲宿小堂春
已託師生分其如父子親燈花能報喜不厭客來頻
丹陽道中十首

今日山行樂相逢路不迷停車藉芳草沾酒洗春泥
野水舒紅藻晴光轉綠溪花香山店月連夕傍人棲
垂楊入狹斜春遊載碧車蛾眉學新月皓齒笑桃花
楚夢渾無據秦簫亦重嗟遊絲與燕子飛去落誰家
山月銜明鏡江流倒碧空晚宜溪館酌香得李花風
我醉轍自穩路窮林忽通邇來三百里只在翠光中
虹滅遠潭水翠搖寒澗松鍾山半天秀嵐光滴芙蓉
仗劍不能去結茅誰解從吟傍石門路難爲臨暮鐘
來雲如有待去草豈無情落日依山遠閒花引客行
回環雙嶠合彌望四郊平冉冉短亭柳沙明春服輕
春花白雪乾繞澗碧玉寒水色空不累香氣妙無端
琴堪調素節酒可翕清歡天趣悠然足方知形外寬

仰面見瀑布青松橫石梁鸞啼花未落煙暝柳初長
碧野望難極紅車日自忙關門有美酒且宿水雲鄉
環珮何年合茅山即會稽五陵分黛色南斗接丹梯
世外有玄學人間無碧雞不應虛寂地盡日送輪蹄
煙空綠未極金沙清可憐桃花春日思謝客月中船
短夢驚前路長遊媿昔賢都門雖美醜得似白雲邊
水碧菖蒲短煙青柳葉長山畫雙蛾黛虹度赤城梁
過輾猶憐色迴溪似戀香暮投人不識朝駕鳥同翔

甘露寺二首

踰嶺江形轉凌霞萬域開遠林朝有靄近岫濕浮苔
未覓雲中肅聊同海上杯維楊煙火接白鳥鏡中來
犯露綠青磴迴巖控碧城鳥能隨客轉花自隔江明

燈遠猶傳塔堂空但吼鯨金焦兩點翠欲渡正潮平

靳師戒菴閣老先齋樓酌別

太保樓臺壯羣山遶八窓杯中興自足京口地無雙
和氣能薰客清風直過江諸賢留戀地春日倚旌幢

寓樓春日

門埽長楊靜鸞啼巷陌同煙空浮午綠花成近樓紅
海氣環天邑山形狀帝宮無邊芳草色日日送飛鴻

晏白氏園亭

何年開綠野碧第淨雲沙曲水頻回甃岩房忽隱花
寒香衣濕翠曉日洞生霞未出青槐道西園又迓茶

惠山酌泉

煙靄晴猶重空門路費尋蔽虧乘翠木宛轉向雲林

世有煎茶法人無飲水心清風激脩竹山古得餘音

別恨

天涯鴻鴈到江樓樓下清江日夜流宮漏侵陵白髮
曉風花分散玉京秋黃河欲凍公猶渡紅葉無多客
暫留最是朝霞滿明鏡終南不見兩眉脩

春去

謾說春歸去多情無計追勝遊須秉燭餘興獨臨池
鳥怨花飛急杯嫌月到遲三眠楊柳足正是浴蠶時

王履約遺江鱗海蛤

東風動沙苑海蛤帶春潮驛路梅先發江城雪半消
天寒茅屋小日暮尺書遙傳語嘉魚使因君滌舊瓢

鍾山石

行看鍾山雲坐掃鍾山石風光自旦暮杖履得所適
夏木重重翠不見日光赤好鳥忽自鳴藤花落金鳥
鍾乳寒流香芝蕈晚可摘造化靜去來陰陽細薄射
六月無纖塵揮塵得無憚何如廣坐中束帶汗流客
青猿不避人遠掛千岩松北湖無風濤明鏡開芙蓉
東林梅雨歇落日雲際鍾天光既平淡物意俱春容
蓮花酒初紅荷鍾得所從行行溪復山不覺林谷重
七士稱曠達四老俱踈慵誰云鸞鶴遙茅蔣多仙蹤
頗聞白鹿翁近在碧霞裏吾丹叅太虛不事琴高鯉
紛紛自消息此妙無終始山空白雲還水靜明月起
巖深得遠公霞卧因尚子羽扇搖清光翛然脫凡鄙
人云軒冕榮我為素餐取雲月西山高夷齊長不死

江南鴈

江南十月交縱橫見雲鴈萬里避天山應有風雪患
白露變作霜紅蘭委溪澗南方亦蕭瑟寒衣未縫綻
皎皎月中砧萬戶寒衣聲驅馳遠遊子不盡閨中情
潮枯九江落野蘆神角鳴愁雲接白帝野火連東京
沙空鷺鳥下果盡狐狸爭杖劍不歸來長夜雙燭明
燭明情緒多燭滅愁未已哀鳴霜中磬漁歌和煙起
我欲賦牛角徒爲齊人鄙始云懷沙過終抱卞和恥
周公不握髮祁奚尚疑子大樸得壽終束鹿非時喜
悵望五湖田盈盈只一水田落胡不休菊老思東籬
當年早自悔頭白免見嗤不覩墟里煙空賦田園詩
江深袂衣怯病骨老見欺遮莫西風酸木盡山何爲

天高河漢滅中夜星斗移南飛好鳥鵲與人分路歧
轉蓬今何夕對酒無相知自古難井渫爲我惻
明妃去和戎漢女皆失色黃葉掃寒城樓上月半昃
霜筍向誰訴關門已蓐食農家子粒香催我返故國
夏果謀冬培春菘隔年植妻子刈葵藿懸望脩黍稷
出入桑麻間尚有荷鋤力

石城曉行

逡巡使館攬衣裳曉行客畏東風狂白鷺洲斜波渺
渺虜龍觀迥山蒼蒼何處啣杯動江月偶來彈劍落
秋霜關門令尹如相識應笑長裾歲歲忙

王儀部欽佩寄曆日

又見王正月春官是故人東風鍾呂變四海政刑新

驛使江楓遠緘書雪案親王梅花正吐為拂素冠塵
謁太常馬公墓

山自青青花自紅杖藜猶記昔從公西風一壑虛翁
仲寂寞無人祭馬融

前輩風流未可忘山雲猶自護
龍章百年華表無
歸鶴隴水潺潺繞白楊

末寧寺送陳子魯南春試

紅塵輦路闊金磬入雲微出餞愁鳴馬登高戀落暉
秋光生寶劔嵐氣濕征衣此後常相憶無令尺素稀

山房卧起

青山睡起當門立雲月無期忽自還燕子蹴來揚柳
絮龍湫飛出桃花間有木出浴賢池曲中顏色無人見鏡裏

風光攪鬢班卧病禪林過十日江南春事去難攀

徒館

徒館臨丹闕南宮近酒家樽虛淮浦月鏡滿女牆花
作客長裾懶聽鶯御柳斜尚餘歌諷日物外弄雲霞

經主第二首

草入行宮綠花開舊館紅金枝香漸遠玉輦恨無窮
礪已無脂到山猶妬黛工叢叢原上蝶留客立東風
古磬蒼苔斷寒渠碧瓦深燕頭猶掠鏡草纈尚同心
有井分官路無塵接禁林百年恩澤盡惆悵沁園陰

王儀部欽佩見招

名園終日閉溪上一鳴琴翠竹寒侵簾疎花淡映林
歌中新月早屏間綠沼深莫厭南曹冷官清不廢吟

朝雨

綠草不如江水色，梨花添得客衣寒。
臥聞朝雨思崖巖，起叩山房問牡丹。
東林間道白猿去，遠公蘭若碧鷄殘。
坐來亦與禪相涉，靜撫條然竹萬竿。

秋日涵上人房

雨後山如玉，寒潭映若空。
竹懸南澗綠，葉綴北林紅。
曲徑迷游客，尋花問住童。
長明燈下榻，頗憶坐來功。

懷顧全州

憶別長沙客，猶驚

帝里塵霜飛，兩地月草暗。
百蠻春舊賦，傳鸚鵡新詩。
得素鱗東歸，紅日近直道，豈難伸。

促織

秋山見末銳，涼風忽滿林。
銜露悲空砌，隱壁伴寒砧。
落月關城恨，明鐙歲序心。
此時梳白髮，鏡裏幾莖侵。

夏身虎丘

新開石閣紫芝香，遙見松杉隱碧房。
竹裏鶯啼方日午，山頭人坐喜泉涼。
傳來貝葉翻經古，掃得岩花鬪茗長。
直北數川當檻白，晚來帆影轉微茫。

陳磬泉官舍

踈軒綠雨靜官舍，青苔深談間朗高。
誼形外冲虛襟，初疑市城迂轉怪。
竹樹侵知子水山，抱慙愧不能棄。
逢潘子

相逢重問竹，入寺擬尋雲。
松露朝仍滴，峰陰晝許分。
何須酒德醉，自愛道香薰。
攜手君姻地，同沾幕府芬。

投宿

麻間開逕綠潭上有柴門鳥語花留客山街月照樽
妙用真無迹高懷未易論白雲相見好聊共宿孤村

小雨

曉禽啼不已碧雨落黃梅炊煙不出戶山雲常隱雷
軒開懸草木琴至掃莓苔把酒一臨閣波光晚霽來

碧峰僧房

啼鳥古陵道來尋開士家江亭蟬噪急山照馬頭斜
碧草經秋變丹霞映酒嘉曾聞忘意义何事具袈裟

曉發

檜楫乘空鏡裏歸藕花如雪水雞飛星分島嶼連炎
海雲作樓臺隱翠微蠶叢已老新麥近桃源常惑故

蹊非千層岩底安竟夢蘿葉成錢好製衣

春日溪上

開門忽報春鴻去夜雨初聞百谷香月影伴人寒不
厭花枝到酒老渾忘靜中蘋藻知魚樂幽處房櫳覺
晝長正是車塵不到處但聽漁父荅滄浪

春日

山空澗落遠送客出林遲寂寂花無語纖纖月有期
筍香知雨力田綠近農時春日風和軟輕裘稱杖藜

贈治平華公

厓古紫藤錯林深碧雨寒春分蓮好種土暖竹堪殮
過客留雲鳥逢僧開石欄青山斜對席半日掛予冠
過湯子子重

昔年曾下榻又見短籬開簷翠坐來落庭花別後栽
八牕常照雪一逕欲生苔日影過西去陰陰綠樹回

閣上

風雨夜不已山光曉寂然絃清萬壑趣杯引八窓煙
花已水中發蟬應葉底縣高眠北樓暑綠遍五湖田

寄朱希直

開函知玉秀入室愛蘭香京邸逢茶竈滄州載錦囊
前光應接軌後輩漸登堂不奈霜楓晚思君路轉長

復城橋南汎

烟愛暮江綠遙憐宮樹青卻因明月舸來問白門亭
花岸蒸霜發魚梁拂柳腥歌聲何處覓翹首建章星

下觀音閣

日出石頭紅掛帆天鏡中蒼厓立翠閣秋水見青空
夕負北山鶴慙隨楚澤鴻放歌煙際闊濯足大江東

江上別友人

萬里峨眉月三春梁苑花相逢一杯酒揮淚說天涯
慷慨短筵促辛勤前路賒渝州新曲怨空使髻生華

曉晴

曉晴初出戶杖策聽鶯聲徒竹能消日尋花不計程
經春青路合過雨碧天輕今日山行樂停杯待友生

上真宮

曳策聽啼鳥桃李隱仙家樹影籠寒澗川光接晚霞
芝生石上草藤落榻前花小閣倚山翠空中窺物華

寄羽士朱秋蟾

道隱甘虛寂松窗曾共棲
夜聽笙學鳳朝見鼎生霓
望月雙桐遠懷雲古洞迷
法成能跨鶴何日下青溪
人日玄秀樓

一杯聊自愛萬物總欣然
獨坐山花笑閒飛沙鳥圓
短筇雲不碍長笛月無邊
無客題詩寄孤吟湖上天
北塢

澗上開青壁窓間網碧霞
寒崖藏暖谷古樹間今花
竹裏鶯啼遊車前路抱斜園
田有美土謀種邵平瓜
煮茶

新水循除鳴春盡郁李發
頗夢玉川翁解我茂陵暍
寫出金山煙撥動建溪月
閉戶客不來砌上綠苔滑
宿治平僧房

古寺雲依靜澄潭夕話長
露隨花墮鳥竹與月歸房
懺悔知前誤恬愉喜夢涼
哀鍾催棹發卧涉樹蒼蒼
春夜宿瀆川

姑蘇臺前細雨來西施洞口
百花開春宵蠟燭燒應
盡青壁遊人去不回鷓鴣
自愛火畔宿鳳凰空復瑟
中哀錦衾南遊洛浦客
相逢無寐但啣杯
讀大雲菴

不畏溪流曲來投佛院深
春遊花覆嶼午憇竹停陰
待月常虛席因風一灑襟
冥然無感地忽自弄幽禽
野仙捧壽歌贈傾愚逸先生

日出石門開天涼紫芝早
逍遙丹丘生凌晨拾瑤草
拾瑤草御闥風羣仙同日
朝木公青虬紫蓋瑤池宮

玳瑁筵前玉女花，鬱金盤中芍藥紅。鳴天籟奏神籥，
白銀樓臺架碧落。朝見白鴉飛，暮見青鸞發。七香宵
鳴，賓不歇。盡說蟠桃子，初結鳴呼。顧翁今地仙，身披
五花裘。綠髮垂兩肩，醉翁長生酒。爲翁歌青天滿堂
玉樹勝藍田，坐愛枝枝生紫煙。

送方儀部

城隅屬新爽，江介有別業。攀翻西陵桂，悽涼暮江涉。
美人欲何之，持觴屢悲咽。縹緲組超承，明束帶侍華軒。
步頓青雲端，展對當象筵。垂名壽千古，得意取片言。
豈虞岩穴士，懷春不能宣。行行須努力，緬瞻極南北。

感事二首

青山亂黃葉，把酒對霜空。沙鳥飛轉白，礪花寒自紅。

索居絃不語，引領意無窮。忽報宣房後，猶驚日暮鳴。
夢見人何近，邀尋路轉遐。座中花易老，江上笛堪嗟。
垂鬪真無爲，蟬鳴忽自譁。孤筇今夕醉，吟興到天涯。

春日

曲水花齊發，平郊草色迷。綠衣籠鬪鴨，金距飾晨雞。
桂楫浮仙妓，蘭洲濯障泥。江南好，深竹春日幾鶯啼。

至舍

菰米早從溪上熟，沙鷗何必雨中還。三閭卜居憂已
甚，五穀飯牛心獨閒。不礙小車來柳外，但隨幽鳥入
花間。客來漉酒搜魚鱸，秋月團團海上山。

送楊儀部入南峯

解組能輕世，尋山爲著書。蠟房舊十築，霞鳥日虛徐。

佳麗望殊遠高明興自踈無心伴禪寂但仰子雲居
登靈巖與陳子啓之

車前綠草暗遙空山上殘霞積石紅但問袈裟幾時
滅不須重嘆舊行宮

繡嶺峇崑上碧天山河圍繞幾重煙雙池紅藻臙脂
冷常與遊人看月圓

芙蓉篇

林花紅紫上巳前水花氣暖多炎天芙蓉未必無顏
色日暮江頭空自憐金風瑟瑟歇芳樹土肌纖薄畏
寒露洛神魂魄水晶宮偏從涼冷生嬌妬擬採月中
香愁見裙上霜清歌溪中女打槳驚鴛鴦莫翦紅雲
貼碧紗常憂鏡裏銷丹霞錦心不待傳書鴈處處臙

脂浮落花

感懷十首

雖宿主人門無由話高趣滾滾白首交未若片言遇
時尚何難諧包羞多城府耿耿烈士心皜皜孤臣素
皇皇飯牛歌戚戚扣心愬本乏緣高才敢冀千里附
莫倚孟姜妍入門起讒妬蒼蒼行間影相看喜如故
皎皎白日光大道同照臨娥娥綺樓女解識古瑟音
佳期感千載四海思獻忱狂風多埃壙鄭樂鳴哇淫
坐令光景改回易好惡心慷慨梁甫吟今古流怨深
耕田三十年恒苦蕘莠多種豆南山下荒落奈歲何
天道既難知人事多干戈張魚得飛鴻陸處憂風波
關門結羊腸長舌苦調和烈士不自愛白璧易消磨

遵彼西南隅言征歷崇阪桂發涼氣侵時菊香已晚
孤獸猶狂顧飛鳥時思返旋踵念明儔睽離未爲遠
田家酒新縮黃精屬炊飯行行溪澗長抗屨出遐巘
昨日庭柯丹今晨露草白處世忽如寄營營苦多役
昔人嘲范睢今人笑蔡澤顧歎孤蓬根秋風爾安適
有劔酬素知無功愧虛席勿恤千秋名長當樹標格
河深尚可踰高山猶可夷如何同盟人握手不可期
去夏荷花發陟暑親歷茲今年蓮葉黃獨坐臨華池
念此明月光卮酒難重持幸藏雙魚素時開讀相思
相思無終極字滅淚空積延佇江上臺原草萋以碧
今日辰序良親暱臨廣坻華實鬱紛敷魚鳥無猜疑
檀欒蔭綠竹合樽歡所知匪石不可轉素絲安足悲

自愛終無悔佩紳庸詎遺皎皎白日光同聽酒間辭
選子出北郭露白蒹葭長水寒秋草肥策馬卽戰場
俠客重功名意氣輕家鄉王顏一心人白首不下堂
念昔辭難陳軟酒不盡觴一日如三秋末言戒參商
月落樽不空殘星猶歷歷申旦雞初鳴堂上鼓鍾擊
鼓擊歌轉長歡樂殊未央宴終還稱壽客發重競觴
相逢不輸情虛負燈燭光常恐炎熱變玉樹悲秋霜
棄斧弄漁竿風波生愁顏領會臨淵意豈若但故山
松栢蔭兩岸飛蠅走其間上有三青鳥下有千澗灣
曾居宵晝明瓊樹冬夏斑無心醉鍾乳石爛俱忘還
交踈道應拙居遠習自頑始覺樊籠中役役多間關

同吳次明王履吉集陳子魚遐矚樓

日出遠波明煙籠近川綠朝霞西山來夕鳥北林宿
啣杯若有待撫絃意不足諸豪醉後俱臨池形簾絲
絲白日遲江南採蓮天氣涼南風吹折藕花枝碧梧
欒兮客將安之

晉卿孫餽鯁魚

之子風流遠嘉魚使重勞光生銀甲細豐愛玉冠高
橙綠香彌徑楓丹晚映袍葛巾堪漉酒終日醉蓬蒿

林屋山人集卷之四

林屋集卷之五

山人蔡羽著

華燈花初生三首

華燈花初生堂上酒新綠擊刀連環鳴轉柱悲絲促
芙蓉開夜屏鴛鴦宿空穀攜手千里人話言常不足
話言常不足氣結懷難開新人不逮故去日不再來
清商座中激落葉覆我杯酌酒聽琴曲朱顏忽然摧
朱顏忽然摧人命如朝露許身安足道知己良難遇
螢依女蘿草蟲鳴兔絲樹勿謂杯酒間然諾須相顧

海棠與馬之秀集賞

小院舒紅靨纖腰弄晚風房深霞不散天寒蝶未通
未許雨中去還留月夜同絳紗籠燭下列藉意無窮

倚杖

沐端立杖晚潭上好岩扉水淨花頻見山空鳥不歸
絃聲青磻遠秋思白雲飛天際書難致亭臯送落暉
臨發登虎丘二首

行行戀良友落日上厓端法轉金輪淨雲流玉鏡寒
五龍皆聽講三珠亦覆壇與臨千尺澗杯酒翕清懽
山花笑客去隄柳挽船回天際有歸鳥霞邊還捧杯
藉草吾無悔援琴豈有哀如何南又北仗劍一登臺
過陳子復新第

四野江湖會平疇陸海心遠山朝到閣嘉樹日鳴禽
化隱簾常秀霞停院自陰還虛學士席時過息朝簷
南峰

支硎岩石秀偏詫乍遊人玉闕旋輿險丹梯折膝頻
琅玕聲雜珮萼苔松蛻鱗城郭已新夏與花猶帶春
一雲寺

五里一蘭若不知溪谷長雲中迴磴道鏡裏轉山光
午陰停竹慘藤花落酒香但恐驚啼鳥架袋底用忙
金山寺

西寺躡雲去東林觸雨來車前青樹合橋口碧流迴
香飯松花早岩房竹葉開磻霞隨屐起飛去護山杯
天平寺

石壁如僊掌行人輕路長千重翠鎖秀百曲綠陰涼
紫磴連瑤闕青岑控石梁白雲泉味冽得共遠公嘗
送顧愚逸台州就養

平世台州養雲山故里舟未論窺鴈宕且共覓丹丘
履齒驚巖翠幢竿觸渚鷗郎君郡聲美賢父細遨遊

寓樓七夕

玉樹歌清夜金風吹早秋迎僊列桂節試巧上針樓
星幕踈螢綴花筵積露浮朱門天漏切行旅數宮籌

白蓮草堂爲袁邦正題二首

池館碧霞裏江南風土清白蓮當暑發落日愛波明
藍水瓊爲樹兔園雪作英鳥啼詩夢醒開牕香浪生
爲念謝家玉誰開溪上堂千花迴鏡白萬葉照心涼
未醉碧筒底空懸清夢長不憂乘月遠素女在橫塘

祇園寺

空門靜雲水古木亦蕭森鍾鼎丹砂厚碑文綠字深

溪光動靈籟野曠颯秋陰放棹過湖去青天疊翠岑

奉懷太原公

丞相投閒地堂開綠野平九峰丹壑轉萬水白沙明
石室朝霞影雲房夜讀聲忠勤在帟幄
天上每垂情

烈士

磬折萬乘風懸劍一肘諾交遊非偶然酬酢意不薄
昔絕華軒夢青山嗜薇霍一飛冲重霄相逢何踴躍
死生非兒戲間關豈獨樂自非履念真焉得神不愕

送陳督經子才

才子遠離佳麗地星槎直採月中花秋來玉壘多金
氣雲裏丹楓映白沙聞說南軍推幕府新歌綠水識

名家五雲到日須遷轉別有天香續舊麻

上巳寄文子徵仲

楊柳成絲二月殘闔閭城外路漫漫空餘夜月琴中
語添得年華鏡裏看送客汀洲蘆筍綠倚樓風雨杏
花寒故人東閣多情思獨味蘭亭興未闌

龍潭道中

長沙帶江腹古驛枕洪濤風雨有蛟鬪中宵聞虎咆
潮頭兩岸闊雲外五陵高任爾盤飧惡消愁但濁醪
京口舟中同錢孔周

丹徒古輔郡鐵甕勢雄蹲山盡逢江驛雲消出海門
晚霽日啣嶠新沾花覆樽長歌愛錢起慷慨壯征魂
過毘陵懷鄭蒲澗

數尺宮牆近三年見面難迎車寒草綠送客晚楓丹
無作酬關尹留詩寄訓壇梁溪今夜瑟空復月中彈

春陰

春入吳宮久莓苔凍未融花枝愁社日玄鳥怨東風
鐘鼓樓臺晚旌旗戍火紅不因風物感吟味興難同

邀太原公看牡丹

子真谷口任逢迎無意綠知宰相情江表從來擅佳
麗海隅猶自樂昇平霏霏岩霧青泥滑欸欸春雲紫
旃輕韶舞已陳夔稷暇洛陽原上看花行

期王子履吉看花不至

春星浮動闔閭城此夜憑闌爲友生嘉樹月來香氣
足草堂風靜玉琴鳴未嫌國色人難品卻怪山陰客

不行會合難明江海闊年年芳草管閒情

春盡還山中

山霧忽深黑柴門寂不喧春寒逼短褐朝雨壓孤村
粉蝶愁花信香羅積酒痕清明看又過桃李獨無言

蘭花發香

蘭花發香天尚寒旭日初乾池上露碧窻團鏡菱花
開闌干一曲櫻桃樹我懷佳人天一涯開函炯炯瓊
瑤素春風惜別鳳凰樓夜月淹留桃葉渡江長不見
雙鯉魚顏色分明夢中遇滄溟本來無人境十洲茫
茫隔煙霧勾吳繁華長不知忽報人間上元度我欲
乘黃鵠東作汗漫游看花延陵市聽笛鳴夷舟王孫
園上多蝴蝶去沽美酒能消愁

鵲語

桐花入新夏乳鵲喧高堂朝霞散復合夕川空且長
昔別重灞水今來留蕙裳灞水不可涉衣裳空自香
燈夕湯子重席上

美景忘遊宴珠燈多夜光春城繡戶月羅鞞畫橋霜
鳴馬客先發誰家懽未央吳宮星未落醉裏笛聲長
荅陳石亭燬講見寄

梨花半白柳絲絲獨立江頭有所思客倦難成春草
句天長傳得玉堂詩香從青鎖封題久露待薔薇
盥洗遲珍重故人湖海念夢魂連夕鳳皇池

泊青山

山深疑有寺月出不逢僧太水一何渺孤舟獨寐興

寒壽苔霜磬林鳥宿煙燈萬里江頭客悠悠住未能
金陵懷友人

鍾山一片石日日看雲生暮色迷連嶂空江搖夾城
鄉愁何處起濁酒向誰傾松影坐來落潭深猿嘯清

秋日牛首

入谷還出谷脩吟屬麗清初程日出海踰隴落景明
倦憇雲端臺緬卷霞際城梯夾千年檜飛蠅懸條鳴
花落陰洞開逾夏冰瑤瑤岩前馴猛獸壁上圖蜺鯨
地虛心彌暇恍惚疑履營指期宿前巘徒旅息復征

宿花岩

迴磴臨陰霞抗步造浮雲前宮未及暝來翠一何紛
寔景臨臺滿玉澗隔葉聞冲虛恍無寐冥寂魄自欣

凌晨挾遠公緣巖瞰江濱扶搖摘星石馴擾鸞鶴羣
終然釋害馬坐覺凡聖分諸天跂予久渴來庸憚勤

秋日西郊

落木碧空遠秋輝半壁斜遊車停細草飛蓋帶餘霞
水闊煙鍾暝鴉歸省樹譁長安搗衣急秉燭傍誰家

山中

山中逢立夏水國未更衣花晚鶯頻轉春歸蝶漫飛
一村茶盡熟四月蕨全肥莫怪柴門閉蠶忙過問稀

鞦韆怨

丹楯朱干傍花砌青絲流蘇兩頭繫蒲萄結束相思
帶玉釵雙挽盤龍髻對對來尋花下繩雙雙去作雲
間戲難銷寂寂玉樓情可惜青青芳草地玉樓易斷

腸芳草令心亂空上鞦韆架春愁未曾斷

荷葉三章

鳴鳩拂羽翼荷葉大如甲美人別湘浦乘雲適巫峽
許我相見期蘭卮再三歎南風吹綠草路長不可涉
路長愁馬疲日長愁客饑明鏡上塵埃衣匣生蟲絲
荷葉高如屋鴛鴦葉中宿我欲乘文魚溯洄湘江曲
君心亮不易新懽多反覆反覆成蹉跎良會轉難卜
一日不自持奄忽踰三月三月不見君憂來忽如突
秋風吹花落露白荷葉黃美人去經時草碧天轉長
鷓鴣能夜明熠燿能宵行嗟予不復寐耿耿豈有嬰
巴江無的音洛浦轉冥漠十月抱羅衾此意疇可託
手中雙跳脫願持報芍藥旋馬顧舊廬終然不我薄

閣上

谷口草初綠樓高雲復青天寒一鼓瑟韻別少人聽
雪後鷺絲潔風前龍笛腥春光暗楊柳愁上短長亭

西虹橋

引領烟無際憑虛念自深雲回滿川鴈秋起一城砧
颯颯閣侵暮熾熾月上林扁舟從此逝把酒不堪禁
懷履約

載酒尋蕭寺風煙古越城竹房穿月冷葛屨照霜清
溪上叮嚀別歌中慷慨情如師空自老念子蚤崢嶸
諸友次高座寺

城南諸佛宇各自占煙霞十步一金聲高臺自雨花
帝城雲物瑞江表士風嘉醉愛楓林暮停車傍狹斜

同蔣子伯宣宿孤園寺

莎雞未入戶烏鵲尚臨河八月紫芝少東林秋色多
鍾鳴僧出定虎嘯客經過院院妙香火重重穿碧蘿

王氏從適園

松竹綠波淨亭臺背市幽趣同真適老景倍靜觀樓
雲自封丹竈樽能間白鷗諸昆喜夜讀兼稱月中游

秋圃篇贈秋逸張子

美人結巢近蓬島虞山石室秋風早珊瑚枝頭日影
來芙蓉屏上霞光掃昨日白露涼今朝紫芝老山中
惟有黃花好雙湖宛轉夾玉鏡七檜婆娑摩碧昊東
村刈葵藿西村採瓜棗黃金籬邊藉芳草真遊何必
問雲泥百歲無如一潦倒三公用盡身外機錢刀終

日生煩惱何如溫伯雪玉顏無疏燥秋高擬作海島
遊登臨何處舒懷抱飛筇歷嶺岈長帆破蒼灝甘菊
未落英八桂吹龍腦萬戶鱸鱸魚千家剪香稻啓君
紫泥爐啣杯問大道倘得逢至人忘筌即吾寶

靈隱觀

門偏繞青山地遠迂朝鞅水明花對開天寒磬孤送
遐瞻極宮闕清遊命虬鳳手把芙蓉枝逍遙發玄諷

天界寺

潮聲萬里至樹影百重青秋後花猶見林高鳥盡靈
逢山一揮塵掃石好翻經無愛即無事空牀先蛻形

碧峰寺

東林金磬遠西寺碧峰深秋淨宜松影天晴喜澗音

空山有蓮社靜室卧朝簪海鶴悠悠起知余雲外心
林職方志道見招

已報虜塵息長懸林壑情朝來紅葉動琴傍碧崖行
秋朗知懷闊人高覺勢輕如何安石倦連日苦籌兵

觀音閣

蒼崖紀日道地軸隘江心楚望秋無際吳關塹已深
芙蓉朝可採龍笛夜虛吟正是重淵上還憂頃刻臨

觀音門

帝城真玉疊函谷是虛傳汪塹深無地關門險接天
鏡裏落帆影雲中舉馬鞭戍樓殘角緩萬里息風煙

諸友酌江上

落日客不發空來白鳥羣亂峰青不斷兩岸綠平分

酒可吞江月慙疑動海雲孤亭倚蒼壁孤兔走紛紛

避暑神樂觀醴泉亭

出門望郊墟欵然神仙宅草豐圓丘露輦餘周王迹
長煙引笙鶴銀臺隱鳧舄醴湧餘百年愁撫泉上石

美瑞著 廟歌靈滋宛今昔宣滌埃暑懷赤晝嘘霧

白八桂陰蕭蕭重絺步索索來往王喬壇從師乞玄
液

靜海寺佛閣

夜宿猶依白鷺洲朝遊忽到古城頭江聲不為行人
訖山色常含往代愁葉下碧欄蕭寺晚馬嘶紅苑北
門秋風流總是周南客看海啣杯一倚樓

南江為蔣君賦八韻

林

長洲連澤國雲水接滄溟樹動中流影山橫北岸青
尊中海色暖門外柳風腥虹貫畫舫月春移蓬島星
尋花迷極浦然燭讀幽汀夜榜過甫里朝霞生洞庭
但知魚有樂爭似酒忘形我欲訪漁父撫君霜下坳

秋夜渡次二首

涼風起素葉江介多玄沙仰見圓景滿繫江空咨嗟
瀟湘隔洞庭神女阻三巴乘月跳石頭停瑟聽鳴篴
舊京街隱隱烏鵲何斜斜慷慨同舟豪四國爲一家
猛虎隔林啼玄猿當夜哭羈人抱離思月下聞落木
江沱信艱虞唯然成三宿踰水芙蓉明鄰舟雕胡熟
微颺假布帆戴月入蒜谷疇昔多沿洄茲晨乃迅速

山路

夜並熠燿行晨涉蒹葭霜秋河在樹間密歷明星長
登臺至遠海入谷繞羊腸行子甘露殫舟人厭閨房
前車一何遙後車方踰踰後車未投非前車已越鄉

灣口

鴻來感秋節雲白認吾家山翠深藏閣蘋香好浣沙
廢興三寸舌今古一籬花吾友如相問西湖路不差

蚤秋西山道院

長林帶京邑西阜開玄宮凌炎覓珍境攬曠丘壑崇
合尊松篁間靜嘯親密同引脰江上山日與林鳥東
華池迴碧牖羽翫虛涼風浮暑日繾綣欣然躡葱巖
落日客不發余眷亦不窮不遇丹丘生空復思韓終

春陰

春陰三十日愛爾晚晴宜月閣水南嶠花明潭上枝
得來魚尚活分付酒行遲山路村村穩何妨倒接籬

人日山樓

青錦屏風石倒懸石上朝朝生紫煙午時閣暝開巘
翠正月山深發澗泉梅花半白情未已沙鷗欲去心
茫然晴波渺渺三萬頃何處飛霞來酒邊

鳴鶴臺

彭蠡煙波遠廬陵秋色深山空聞鶴唳木落且停琴
物外已虛渺雲端時眺吟不知王子晉月夜幾邀尋

靜觀亭

脩然雲水上物我久相忘月到客不語琴餘泉自香
各各具妙理幽幽涵葆先天籟自消息岩前虛碧房

興善寺赴吳子惟新

盡是樂遊園上草尚留村路出平田溪橋遠候東林
磬山色斜分禁籩煙退食琴書僧境適放衙雲水
馬蹄偏才高不受官拘束許我時時同白蓮

桐城令思過亭

歲自豐登物自熙公庭啼鳥報衙遲甘棠樹底全無
訟猶自停琴日三思

送吳子惟新歸錢塘

落日白下門逢君碧岩裏下馬拂石堂傾蓋懽無已
結交無故新新人勝舊人所重在知己千金難許身
君如青瑤枝照我先栗栗松下解朝簪雲端弄瑤瑟
我亦就君酌叩君竹邊室山花照廳事座上秋渠瀉

方竊芝蘭膏中途遽相失知君有心事青年解官亟
頗聞武林山已有種瓜地一箭收聊城功名本兒戲
但令吾道在爭雄竟何爲我愛金華山與君爲宿期
一掃千年苔岩上結雲居斗酒醉千日免致長皺眉
楓霜日夕紅臨行賦五噫

逢宗子伯昭

日落猿不哀巘深鹿能調相逢曲中人猶疑昨朝夢
可喜花霧晴又見水月動石門轉新鶯孤磬亦遙送
子山哀流落長沙亦堪慟間關莫齒才此意君當洞
躡空思攜牀逃虛免噴衆我有石鍾乳碧枕初夏凍
借君白玉麈竹下聽清諷道在途不窮無庸但悲痛

寄贈楊子元仁

昔學浮丘生同門不同時多君有逸步萬里常先推
雖慕蘭子名未覩荆州眉豈期甲申歲得御長安達
始悲相逢晚情極不自持疏絃雲中奏玉麈竹下麾
談經掃荆棘四座俱解頤玄辭竦毛骨六月遊天池
十載荒蕪田一旦爲春犁士風豈不長中道忽見遺
虛掃鍾山石去去難追隨月落碧海遙雲起蒼梧遲
蕭蕭白門秋獨坐常相思頗聞甘泉宮策士羅丹墀
子雲頭半白操翰當揖誰文成射天機珠吐光陸離
重瞳正高朗顯擢今無疑寧爲主父召不作賈傅悲
金門好春色曲水明花枝 宮恩到帝布遭際端在
茲扶搖上青霄豈待剛風吹此身旣委質圖報當何
爲珊瑚種玉階錦瑟鳴朱絲氣象一何迥變化詎可

知回視蓬蒿中長歎隔路岐蓬蒿非無人自笑數屢
奇讀書五十萬一字不濟饑忠言祇取怒直道徒見
些淵枯蟻困龍機險鷓化鴟跛齷致千里老驥常絆
羈用舍自關係奚必怨主司窮冬律不應昧谷賜難
曦紅嫣雨為仇木病霜見欺寧解日邊花灼灼含華
滋物理固如是天地非有私四序倏代謝日月相盈
虧陰陽自消息品彙歸鑪錘不如守太素開拓道德
基青蓮終古色寶鏡玄光窺徒知作者功未喻入者
尸仰眷白駒篇細和衡門詩吾道在丹丘漸與麋鹿
宜彩霞朝堪乘黃精不用炊十步一飲啄俯仰無忸
怩雖乏五斗米已著田園辭寄書有燕鴻莫謂天一
涯臺閣與山林百代同芳蕤苟奏鹽梅功尚冀來委

蛇停車丹楓間問我五湖湄開壇續雞黍慰藉拜杖
藜

東府旅次十一首

未見雲外心先指庭前栢條然明鏡中日晚霜潔白
鳥宿碧潭底雲移罨畫間客子自來去青山終歲閒
落日北湖水秋光徹玉壺壺中兩點雪照見雙寒鳧
海霞初斂夕江月亦乘潮興來秋夜笛擬度赤城標
蟋蟀知時晚山蟬泣露涼經秋客不返獨卧綠蘿房
有客白馬來高林碧雨歇湖上石樓開忽見山吐月
松竹翠冥室巖泉玉作簾膽涼魂亦息三伏總無炎
超忽度洄溪攀綠涉寒蔣未已綠池泛先馳赤霞想
秋色發桂陽朔鴈來寒門相逢青江上落日歌芳樽

寒瓜抱霜落白鼠飲乳縣雲間客不爭吾應巖下眠
小艇弄波月瑤琴彈綠苔鳥歸山自寂鏡裏白蘋開
送袁伯高就教

南渡江山不盡青北遊花鳥轉冥冥君行莫道儒官
易要與邦家作典刑

至日

至日門無車馬忙靜開樓閣看湖光人間漸覺青山
近天闊其如白鳥長看花昨卧長安雪著書猶記茂
陵霜鱸魚橘酒酬辛苦今日今年醉故鄉

懷鄒邦輔二首

青槐甲第水雲鄉十五年前繫野航記得碧房啼鳥
處玉蘭紅藥夢中長

讀書萬卷不求名玉樹經霜歲月清為問江淹雙筆
管春風今見幾花生

鐵瓶草堂為馬子子遇賦

溪接帆涇綠園分吳苑陰虛堂不出郭嘉木自鳴禽
點筆看山近藏書種竹深莫彈歐冶劍千古有龍吟
人日山閣有懷

朝雨歇樓閣寒泉開竹房江湖春緬邈沙野書微茫
錦瑟燈前約紅梅雪後香沙鴻飛不到日暮怨天長
吳淞江分題為袁補之壽親

花開千嶠月潮送一川星海岸夜猶泛春洲朝未醒
客邀蓬島近藥訪羨門靈龍女能吹笛停觴仔細聽
雨阻

江雨何頻數春風亦太輕
草難銷雨意花自戀風情
綠竹池陰阻青崖磴道明
僊輿望不見空自坐吹笙

桂子

淮南山下青瓊枝溥溥
白露映西池徒聞香嚮空中
墜不道根從天上移秋色
思從公子飲晚波憂沙洞
庭遲緩琴未鼓月先至
席上風來醉自宜

春遊

朝霞已東發夕月尚西流
香磴綠青壁新花覆綠洲
絃停啼鳥怨管急翠蛾愁
絃管有時已春愁不自由

林屋山人集卷之五

林屋集卷之六

山人蔡羽著

金陵寓樓有懷五首

圓景流素幕長河度金扉
風多漏聲咽燭城霜露飛
屬思千里人中夜三攬衣
比闕獻書晚南山音信稀
瑟瑟華京風冽冽寒士幃
營營遠遊子歲暮胡不歸
今夜天正寒機杼聲不絕
辛勤錦中字猶訴當年別
哀鴻附冥漢潛潁泣玄穴
撫物情不平復霜心屢折
杪歲客不還空然衣百結
如何箕斗間三星轉明滅
皓魄盈中天松桂俱含悽
江神弄水碧海岸啼天雞
絃促黃金屋妾怨白玉闈
虞卿已失趙竈戚猶戀齊
朝驅畏太行夕鞿憂盤溪
豈爲一囊粟與世聊滑稽

賦命難努力貧賤非空踈朝爲梓人櫟夕作周廟璣
朱顏朗高步黃髮日曳裾出處雖由天工拙取自予
菊松老荒徑雞犬守舊墟莫信關門人臨去猶著書
蜀琴對寒燈蟋蟀不以時辛苦莊舄吟倉卒阮子悲
往日嗟難恃來日安可期焉知連雲岡不作湯谷池
相逢都門傳一飲高漸離解劍贈知己東歸尋舊茨

雪四首

同雲四野平水昏雞亂鳴陰山無烽火交河早洗兵
虛無黃金屋冥漠白玉京風波昭關道歲晚季子情
持酒欲何言天寒燭不明朔雁哀已遠旅魂猶夜驚
天花散太素輶轡鳴金扉夜折三河膠鞞亂七襄機
穴隱玄猿哀水結駕鵝衣塵多手裘落霜冷人影稀

如何離澗阿旅食常郊畿大途旣茫昧小逕尤隱微
璿臺疑素輝玉河斂寒色皓氣連東溟祥光轉西極
草短原兔飛河平車路直莫羨北里歌請聽南隣織
夜靜拂冰花翠梭拋未得如何天涯人不念桑梓域
誰離雲端雁唧唧床下蟲四術無車聲八門多旋風
瓊山屬帝宅具闕臨玄宮緬瞻三辰位始洵六合
同分索難爲慄味澁景亦窮忽舒高城霽喜曝朝日
紅

思田園五首

南方樹藝早嘉蔬當及時王官鑿水罷忽起田園思
東郊織臺笠西郭編茅茨田家不辛苦衣食當待誰
曳裾京華塵徒自縶四支三江綠烟起何日佇杖藜

園田二三月不盡花枝烟青村對鳴鳩茅屋下寒泉
蒸茶復刈麥俱及穀雨前盈盈斯螽股采采桑桑錢
巖居遠朝列雲卧隔市廛邇來多行役表敝不得旋
旅徒何囂囂頻年棄墳墓秋邁望春歸冬盡悲秋度
三見王官麥長吟白亭樹青青巖上條已蔽巖前路
偃偃東遊子何時復西顧秋霜落明鏡朱顏不逮故
卮酒臨高閣日暮多風塵仰見吳門月不見吳門人
他鄉促新節異俗爲相親飛鳥戀故園遊魚知舊津
悠悠長途子不愧羽與鱗西風觸琴瑟絃急多悲辛
青青瓊瑤枝歲晚今幾叢轉轉孤生蓬託根霜與風
玄冬畏羈旅行者憂路窮兩情難強言對面味不同
履此節序改念我桑梓中言旋逮未冰焉可候春鴻

尊中有明月歌

尊中有明月琴上有素絃美人能彈客能飲玉壺正
傍花枝邊皓齒對嬋娟清輝相共憐紅顏笑桃李獨
立無比妍月不常圓花易落蛾眉却怕秋霜薄良會
難須行樂爲君高歌勸君酌酌未終歌轉哀金壺銀
箭急相催春光今夕爭時刻傾盡車渠三百杯

秋日

偃息踰歲時登高感搖落車來不除棘鳥鳴自巢閣
形迹不見妨漁樵隱相托顧念蓬何生終俾石爲錯
虛心日無怒物至自成樂懸梯覓霞構乘涼陟蘭薄
宛轉思公子搏搏桂方灼

所懷

林壑集卷六
園繁鳥不絕花落香猶清去旆難髣髴歸帆空月明
寄書知鴈晚解纜記潮生只在湘江畔誰通疇昔情

新漲

今年春漲早潮已入青溪綠浸深宮柳香銷上苑泥
月中思錦纜燭下望金隄商女能聯槩秦淮夜唱齊

出郭

花殘館娃樹草綠赤門濠茶竈尋山遠簫聲出郭高
土香逢穀雨枝亞熟含桃想到千尋磧眠聽雲外濤

畫馬歌

求神不求色畫馬難畫骨徒聞天馬與西極古今茫
茫難彷彿圖龍子剪隸駟畫馬却自開元起落流星
應飛鳴當時神品稱韓生唐家天廐幾萬種五花散

彩迷天垆纔經點化風雲生後人得見飛龍形蹄甲
有厚薄骨髮偏精神毫端九方職紙上希世珍松雪
學士有神翰曠代真能繼韓幹此馬驪黃是正色竹
耳雙尖鵠鳳臆軒軒天圍真飛熊牽來却在龍池東
連錢隱隱動肉駮千金寶轡描玲瓏芙蓉闕下嘶碧
雲清涼殿前刷晚風血汗如噴珠桃花濺靴袴篋擁
臙脂尾鬃軒不肯顧風流趙老意入神彩毫瀟洒凌
風塵天山萬里羨功名一見神駒真絕倫

夏日

炎景官城烈朱光碧石愁草思中伏雨人望九原秋
露歇蟬空噪烟焦翠不流水崖無處覓擬結洞門楸

聞簫

玉簫雙弄晚樓閣喜新晴鳳囀花陰細鶯流水面輕
九霄心易達三月錦難成別有難陳恨含聲未肯明

秋日虎丘陪顧台州二首

石壁開青道煙霄結紫閭霜凝秋壑秀人立曉欄虛
屢滅雲邊鴈傳聞花外車台州才曠達客思亦蕭疎
日落歌不已江南滿目烟霜危沙葉紫鳥映浦花鮮
屐齒臨虛磴茶壚覓冷泉生公月未起思借上方眠

懷葉子尚宗

莫道東門近雲帆竟渺然三春花自發萬里月頻圓
訝俗緣文古超群喜志堅相逢轉遲澁楓林曛日懸

送張子汝警還宿州

江漢風蕭瑟濠梁歲有成昨爲朱邸客朝解白門旌

月爲行人蚤花憐舊館榮鯉魚書好寄汴水

新亭懷古

寂寂山河繞帝丘今人不解昔人愁鳧鷖已歌周宇
宙衣冠空說晉風流離宮細草洲前色古戍殘霞花
外浮千古浪追王謝拙犬羊讎耻俟淵謀

清涼寺

持觴可奈江山麗欲訪行宮事渺茫水鳥入城多野
趣時花占暖發溪光霞留尚子遊忘倦馬送山公醉
不狂貝葉未題頻掃榻袈裟顛倒爲誰忙

湖沙二首

臨發帆猶逗半湖雞已曛繡明沙渚葉虛動石屏雲
青靄空中滴烟霞斷處分悠悠綠渚鷺采采愛霜芹

秋漲彌青岸空聞杜若香山浮歸日紫水帶落霞長
紅葉影中路翠微深處房沙禽渾不動昏暮莫愴惶

聞吳嗣業亡

常愛閒居有勝情計來終日使人驚傳家科斗今無
學玩世壺觴但有名春過綠蘿虛舊月秋來黃鶴怨
東城百年卿族全涼冷念爾芝蘭有後生

幽居

拋書如有感聽笛坐忘眠秦塞鴻難繫吳門月自懸
舊游惟夢見有約負春前世事朝朝變山深無信傳

長安月

日未落花先寒初三月色生微瀾長安兒女牽臂看
學畫雲間眉風動愁花枝還開匣中影寶鏡光初冷

今夕高臺歡未央明朝又踏月中霜對對樓前巢翡翠
翠雙雙陌上逐鴛鴦鴛鴦翡翠相逢路鬱金香氣多
如霧金塘風起落花鈿玉葉霜消濕紈袴花鈿紈袴
香不滅今夕還愁來夕別盈盈三五夜漠漠上巳天
花開不留戀月缺徒取憐金張歌嘯出雲端玉樓夜
半聞鞦韆鞦韆靜琴瑟鳴座中傳得長門聲長門怨
已深鶴關無信音將心訴明月照妾機中心照心心
轉悲照影惡別離但見佳人踏月行不見佳人生素
絲

許子仁仙至

蒼蒼石壁苔蘿歸冉冉棠梨葉正紅夜見星辰浮島
嶼朝來帆影拂煙空半床舊草虛山閣十月新霜思

角弓子為青雲蹤不定江湖奈我亦飛蓬

石湖草堂別復吉

山深不見草堂星何事紅燈竹裏明滄洲欲話十年
夢禪榻驚啼半夜巖房留客久悠悠雲水桂
帆輕要知後會尊慈早百合花前再定盟

游子五首

搖落愴游子登高望不極旋風起四隅天地忽失色
鳴蜩抱空條離鴻適人國蹉跎園田春空然怨秋稷
毛裘多零落車徒嗟南北朝無一宿春動謀萬里即
即途將安之白露墮作霜風吹素葉起河漢耿且長
光景易朝菌今古等彭殤伏軫三十年歷咄荆棘場
烈士長虛懷公子慕臨觴臨觴不相知對面如參商

參商古今怨栗冽此孤夕征途屬杪秋圓景起素魄
緩頰空歲華旋踵常促迫行念蛩蛩義歛懷周周惕
歷歷女牛星相距不盈尺燭冷橫江樓怛怛索居客
索居何年始髮髯桑梓人出門烹伏雌昏建在參辰
居者念路長行者日風塵室家成彌曠異域為相親
蟲聲雜草木達曙聞悲呻昨日趨蹌路今日荆棘新
四序惟秋憶值此離抱屯臨高望墟野此意難具陳
欲陳君未喻奈此繞樹烏天涼白日匿霜落黃草枯
哀商座中激急切傾名都呂望未適周百里長處虞
草草羈旅間空自懷區區捫虱上東門未敢論賢愚

西溪曲

西陵花落遲西日多餘輝鳧流鏡中雪烟結潭上扉

漁子歸來水未黑石樓捲幔看霞飛東菑多禾稼不
如西疇美東月雖早生還落西巖裏百重碧樹閉門
深千畝芙蓉抱蘭汀茱萸結作囊甘菊釀成酒橘搏
欒兮楓葉丹明日山中是重九綠雲滿地紫蟹香猿
啾啾兮啼夜霜南園公子北山叟相逢共醉鱸魚鄉
西風鳧鴈正滿塘湘江夫人各一方江空木落情茫
茫

柳

江南三月雪塞北萬條烟短笛情何切行人馬不前
輕輕踈自好細細舞堪憐戍客離家久春寒欲絮綿

山半觀消夏灣

林曦真可愛春半尚輕裘草色承衣帶山光落杖頭

遊人已入鏡待月盡懸鉤野興都無管翩翩信白鷗
王子履吉又讀治平發書相問

城外尋湖寺王生好著書舊爐三昧活新草半窓虛
鳥語花間戶雲迎竹外車石牀山翠重來坐濕吾裾
秋景五首

曉蟬聲不發寒露滿空園候候靈山磬愁聞白下猿
花開隔江岸葉映遠人村記得雲生處重臨石上尊
芙蓉猶綠水白鴈滿秋田斜照移人影疎花映馬鞭
寒泉石畔切江路樹中綠儼掃遠公榻來看沙鳥眠
草色出城碧寒潭凝黛深玄宮度脩阪仙樂下虛岑
林縣秋日澹衣積露華侵田里鷄豚晚南山遊子心
孤雲隨馬足只傍石門行寒日春林靜迴梯接海平

西崖瑤草秀東岸石帆生潭上飛鴻遠含霜玉軫清
石壁懸秋水連環鎖釣磯日沉江閣動帆駛岸花飛
山磬寒相答漁燈晚自依關門今夜笛似怨柳條稀

正月十日

雨滋初轉碧朝靄漸承曦春蒞梅開緩寒深鴈去遲
花林將候月燈夕儼臨池不見蘇臺柳年年畏別離

車行三章

車行出北郭垆馬蕭蕭斯涼風動廣野鴻鴈縱橫飛
陰山急烽火萬里赴戰期寶刀鳴鞘中不顧家室私
室家予豈遠君恩不計返單于既宵遁聯鑣獵胡苑
車行踐虜庭師干一何棘胡霜結寒門鴻鴈賓南國
前軍抵代谷後軍留漠北雖得金節旄不見桑梓域

桑梓予忍言父母豈無恩誓滅大國仇奏凱旋中原
車行何幡幡鴻鴈俱北還草青涉交河月黑閉漢關
沙河自南流關門自北啓何時赦餘醜輕車拜天子
功成不受爵長揖歸田里耕田有餘力養親有餘日
失足在戰場遑脩薦棗栗

龍泉書屋爲錢德孚

崑龍盤海秀噴薄出雲長莫問千巖裏遙知六月涼
松開謝客境鶴到尚平莊擬卜藏書室何須少室傍

渡江三首

秋陽上東門宮觀遙相輝涼風振蘭林草木生清哀
棄襦關門吏策馬江上臺維舟謝主人仗劍謀東歸
顧盼屠間友高歌宣我懷歌闋潮夕生臨岸重啣杯

芙蓉斂修陂，萑蒲竟城郭。露白陽烏來，洲高海氣落。
假檝臨吳會，登高眺京洛。曳裾慙頭顱，脫屣差勝昨。
渡子報真州，滄惶一停幙。圓景自東至，開襟承夕酌。
游鱗起瑯淵，岸影天際青。不辨舊都樹，但矚隨潮星。
去館更興想，新次不獲寧。曠懷極淮海，浩興彌洞庭。

雨中獨坐懷諸友

郡國故人經歲別，但隨樵父卧天涯。蕭條下里愁中
曲，惆悵南山霧裏花。兩岸啼鶯春渺渺，一簾飛絮雨
斜斜。河豚石首佳期近，想見吳門酒漫賒。

誦顧司勳武祥詩

昔愛才名早，今多秀句傳。寒梅香有種，瓊樹畫生烟。
學道嗟虛老，無丹別自仙。碧窓延思久，撫卷竟茫然。

虎丘赴毛子純叟

晨移步障上青山，夕引樓船鎖碧灣。臨池酒暖花如
雪，三月春遲竹未斑。豈是綠苔無客掃，纔聽黃鳥便
心閒。西園公子忘形久，為借龍筇燭下還。

三月八日到鹿飲泉

十里荷茶竈，攀蘿亶遠岑。微軀已世外，寧用浣塵心。
危磴綠雲細，寒泉泱竇深。古人巢穴地，百歲幾登臨。
懷劉水部時服

感時花易盡，對酒月空明。湖北書難致，愁中草自生。
知君稅駕早，念我曳裙情。擬誦黃花句，煩烹蓴菜羹。
送張元之還道州

載去金陵月，君行興不孤。山青過湘浦，雲白近蒼梧。

室遠思風采春明麗壯圖隋珠不彈雀莫恠衆中殊
燕

何事今年早江鄉雪未乾拂不憐草短穿幕避春寒
世苦謀家切禽猶擇主難含桃有新粉衙絮繞簷端
鴈

滄洲花已落胡鴈作行歸暖畏南方早魚思北海肥
有書頻護爪無雪免沾衣萬里桑乾意秋來莫久違

陳督經席上

官地清如水高齋只論文坐傳花外漏行繞苑邊雲
德飲寧知醉人香未易薰信知卿族美儒雅亦超群

董太學還柳州

汀樹虛秋色行人發鳳城蒼梧雲早白炎海瘴初清

遐想枕櫛麪難聞杜宇聲羅池冬尚暖到口正花明

病中五首

病寄青山曲齋懸草木陰懶無耕稼績癡有濟時心
但得杯中趣寧知絃外音烟霞三萬頃魚鳥漫追尋
黃花真愛客適意但悠悠放鶴一林月春雲萬戶秋
養魚非拙計釀酒得良謀范蠡能忘世陶潛亦遣憂
路入雲邊細鷄鳴水上昏青山不出戶黃葉已空村
豈為垂鷺夜時因月滌樽把酒喜不寐美人言自溫
枯蟬隨葉落虛牖映霜紅夜夜聞來鴈朝朝送斷虹
豈因耽竹瘦自笑著書窮城郭久不至交游惟夢中
青山綠榻近舊甕對花開幽鳥時相喚踈絃晚獨哀
秋光次第好物色謾相催有客愛茅屋乘舟醉百迴

湯子子別席上

小閣下簾靜雲霞迎客晴天涯鴻鴈去春洲蘆荻生
酒綠車渠盃花香藥玉屏錦帆涇上月歸路笛分明
王駕部乃翁就養

官今迎親白鹿車暫辭蓬島到京華千門氣暖宮桃
醉二月鶯啼御柳斜畫省詩觴春似海瑤池僊宴棗
如瓜也知綠髮垂肩有好故着烏紗襯紫霞

贈張膳部惟靜

豈有才堪取頻頻獎論收停驂問寒士踏月到江樓
思結千巖秀吟回萬壑秋只今汾水上誰許擅風流

山閣

夜雨過山閣茗溪秋色來漁舟天上去蘋花鏡裏開

月令初流火山椒聞宿雷孤吟愴搖落村笛不須哀

春去

寂寂山含綠悠悠草帶烟空懸雲外想獨向鏡中眠
多事唯梁燕閒心對冷泉春光撫酒去樓上一停絃

寄伍長垣

門前碧樹護雲沙游子爲官幾歲華正是春宵堪秉
燭海棠亭館隔天涯

寄黃督經

吳門送別汀洲雪天上誰乘八月槎太守古來兼將
略參軍今日重詩家涼風細動楸梧影秋水初搖蘋
藻花遙想太平閒甲仗亞夫營裏幾聲笳

送張濮州北征

草綠烟無際花明江可憐
祖筵南屬楚雲路北臨燕
北節終酬主重瞳正簡賢
方州雖借寇天府奈喬遷

中秋

把酒常思明月夜交游不以去年親
踈花欲折偏憂雨北鴈初來又送人
稼穡有秋烟火少兵車無戰羽
書煩却憐醉裏丹楓葉似爲吟翁着意新

張膳部席上

迴溪臨碧館御柳接金沙
畫省分蓮炬芳樽落苑花
來曾燕子引去任馬蹄斜
聽誦看山作空令思繞霞

林屋集卷之六

林屋集卷之七

山人蔡羽著

贈楊次和

當年懸想渴此日誦新篇
慷慨歌中見風流句外傳
君家舊吳會余亦五湖烟
不負鱸魚約期同范蠡船
由大觀亭歷觀音閣仙釋二院並勝因得
縱覽江上

朱欄控帶青壁烟碧峰浮出丹楓
顛東方鈴鐸西方磬輕霞淡照橫
江天南厓高比厓俯群峰奔走如龍
虎十尋巨石連空來斷處曾經巨靈
斧天池濶湯谷長秋虹萬里橫蒼茫
漁舟尾掛金連環鴛鴦飛出兼葭
葭霜潯陽潮有無白帝在何處回望
吳天雁南翔又

西翥孤帆遠映青空來綠樹橫分半江去重沙復岸
東復張鯨鱷橫斜失依據海月緣沙生珠子隨潮來
殘陽尚懸壁素魄先臨臺仙家瑤草九月寒遠公石
上三花開燕子磯頭飲牛客偶來莫使世人猜青山
對酒誰爲主惟有簫聲晚自哀

積晦

積晦余常薄初暄花亦希蛟潭生潤氣汀樹掛寒輝
倚杖白鷗起罷葉黃葉飛柴門臨澗道踪跡太幽微

早行

天寒烏未起行李出東臯水白霜高絮山空木怒號
杖藜臨澗久控揖艤汀旁昏口忽咫尺吹簫浮碧濤

相思行

相逢何日短相別何日長夢見不得親恍惚生凄涼
香囊舊綰同心結玉匣曾留明月璫明月照綉房香
囊繫肘後當時長生酒年年同君壽天地本無變人
心不逮舊秋風吹落瓊瑤花錦衾歲歲遺天涯寄書
日費三青鳥候望虛乘白鼻騮金鋪夜夜鳴彩雲朝
朝起忽上南山顛還憑北窓几蕭湘雖渺茫只隔一
江水東園連理木同枯復同綠西園比翼鳥同飛復
同宿同飛同宿物長情却怪人生離別輕黃金不爲
難口血豈容易鬼神聞子言金石知我意爲子寤寐
求白首勿相棄相思如環無盡頭進君萱草暫忘憂
恩怨難明得自由

泊菱溪懷白貞夫

未即分高榻還應見客星空餘江上笛誰共月中聽
別墅多秋色名園散館亭經過難致款回首水冥冥

冬日子重履約履吉集子玄秀樓

五湖楓葉朝朝變消夏灣頭一繫舟可恠霜花開石
鏡却隨鷗鳥上山樓崆峒未過猶懸想岐路難明且
斲休冉冉冬暉薰客眼溪毛寒澁愧盤羞

登第四峰

青磴去已遠蒼藤住未能山高鳥不到天近氣先疑
掃石喜無事開巖初得朋落霞三萬頃俯首看吳興

登縹緲峰絕頂

莫訝登高不用扶手招鸞鶴興如何環來島嶼人間
小側去陽烏寒色多巖下雨來浮碧靄杖頭霞去落

蒼波千年石上仙人迹為問王喬幾度過

張東沙署舍

疎槐無雨碧光榮官舍偏宜夏日清軒俯游魚寒藻
轉竹銜瑤砌午葵傾樽前停塵心彌遠言外忘筌勢
自輕未到夕陽猶繫馬放衙堪趁死牆鶯

顧廉憲羅太守秋日塔院

側居阻岩曲暇日鸞節回方軫遲丘隅覽帶歷澗隈
長臺古雄哲領郡今上才列坐蔭修竹乘虛眺雲臺
開林面朝市絕磴臨崔嵬紫城流金膏佳氣浮尊罍
具談形骸外高誼穹日眉微茫樂遊苑迷失臺城基
寒雀爭荒稗殘鐘餘暮哀一朝撫寒士千載暮虛懷

題鷄鳴山房二首

山浮寒碧水浮花石壁蒼蒼竹樹斜愛爾玉京秋色
好白雲頭上看人家
來時竹子未生鞭親見山僧種白蓮冷翠光中好啼
鳥半年人宿石堂烟

許攝泉馬子洪蔣子重集塔院

朝輿跂石門宿諾除竹所枝策縈碧巒執高失秋暑
去鳥經華林來颺自蘭渚合交欣忘形解束獲宴處
觀湖亦愴惶陰樹宜少許流瀨疏髮襟絕輝洞淵宇
松鳴空中籟絃作泉上語昵留月銜規言旋鶴悲侶
常得遊玄淵何須羨輕舉

龍江歌

江蓮影落空寒碧江雲掩冉江邊驛對浴沙中鷺絲

白飛來菱葉蜻蜓赤龍江八月潮正高我看潮生坐
江石石城柳猶青青春來秋去何時停酒邊山色朝
朝綠愁中卷笛難爲聽星亂落霜如雪明河猶掛
黃金闕起來彈劒歌一闕懷佳人兮隔洞庭桂子芳
兮吾渡浙白雲紅葉相滅明長江秋霽連東溟座上
偏多離別聲

陰山風高

陰山風高馬毛縮沙場草枯無首苜蓿單于射雲蒙縵
胡穹廬夜炙熊羆肉樓煩將軍來歎邊雲中萬騎俱
爭先漢家飛將鋌樂鉗斬得月氏頭血鮮陣雲蒼蒼
暗紫塞長城殺氣連狼烟朔方孤兒不畏死死中求
生報天子髑髏如柴身捷輕瀚海北去屠龍城歸來

不愛黃金印但愛麒麟閣上名

黃河不流

黃河不流邊月孤玉門吹角啼胡雛葱山東來烽火
息鳴鞘不敢驚鉤鉏去年斬樓蘭前年滅余吾五部
俱奉朔百蕃請漢符蒲梢天馬來不絕麒麟獅子充
天衢涼州小兒閒束手將軍虛杖丈人及於戲四夷
來王近古無四夷來王近古無聖人夙夜勤訂謨元
始年間符瑞起憂在蕭牆不在胡

秋日秦子玉過玄秀樓

空谷嗟無侶青山只對門問閣應識樹話舊且停樽
晚碧虛搖閣秋紅遠見村藏修休問稼角皓已殮孫

送少司馬石峰陳公

朝賀

桂子青青瓊樹香相公麾蓋發東陽
兩宮絳節迎王母萬國芝函拜
玉皇秋靄菊衣天上瑞酒分仙幕老臣嘗賢勞正恐
留山甫袞職匆匆歸未遑

寄王南原太僕

病裏相逢話別離綠窓三月暗塵絲籛廬久入在周
夢秋色空生宋玉悲湖上白雲頻掃石君家紅葉憶
臨池右軍早晚能揮塵擬傍蕃花滌酒卮

大駕北還

鑾輿北渡五雲移親聽鏡歌海上吹黃道香風鳴寶
鉞翠華秋日到瑤池千官喜得金門詔南國新
傳赤雁詩六郡良家齊解甲騶虞旗卷犒王師

蒙古信卿畫馬

高繫青絲背綠踪溫泉洗後立從容奚官袖手天池
晚摹得開元舊墨踪

維雨二章

維雨愆中旬鳴鳩曷未已瞻望庭戶雲昏曉味桑梓
桑梓不能問矧能越千里菊荒誰爲芒絃亂獨自理
絃亂時一鳴路亂不可尋天陰颺颺出眇眇愁予心
維雨愆下旬產蠋升中楣飄飄南東畝禾黍一何卑
登隴望陽光束濕縣桑枝束濕復束濕晨炊暮未食
出門即江湖舉目成太息但取王穀嘉不念農夫力

元日主約弟至

吾弟談玄座常瞻北阜雲著書遣歲月埋劍隱星文

春草句已好寒梅香日薰叩門雙屐喜躍破一庭芸

覆舟山臨望

覆舟山頭霽景明長松落落崖石平迴巒秀嶺低復
昂傳聞此地爲臺城南望建章宮佳氣何鬱葱秦淮
樹中流遙與宮門通城中萬井如碁畫枰柳烟中分
紫陌內園蘭桂浮温香成里池臺蕩朱碧鳳皇樓閣
無處尋臨春結綺作梵林樽前却是樂遊苑市朝更
改成古今登臨易頭白嚼杯落江日迴望北湖烟蟬
鳴樹蕭瑟秋波慘淡荷芰花玉晃錦鷄踏浪霞西曹
已鳴馬東署復報衙冥冥壺底月寂寂城頭鴉停琴
送盡飛鴻影引領天邊不見家

越城橋舟中

汀洲浮動落霞明竹樹遙開石壁青水到日邊舟渺
渺鷺啼谷口花冥冥題詩野寺驚山鬼問月澄湖犯
客星鷗鷺悠悠市朝遠携壺重撫范公亭

寄勞甥鳴玉致許子元復

超群志獨美得友室偏香不見練裙短思揮塵尾長
珠連殊競秀璧合倍生光聽笛人何在停杯月一方
涼風萬里至城郭報槐黃

徐殿讀薜荔園

思樂堂

卷幔落青嶂開窓浮綠川小堂先哲志肯構後人賢
杖屨去已遠桑榆不記年我來徒想像搔首意茫然

石假山

鏡裏落秋水窓中列九華仇池色太古南宮拜自嘉
洞能淹日月巖好宿雲霞何處尋山勝湖南學士家

水鑑樓

秋色本無垢寒泉亦空心遙知天鏡裏有客獨登臨
影月入簾晚腥風搖座陰冷然飛檻外魚鳥候鳴琴

風竹軒

茲境出塵表翛然闌檻虛秋聲掃空去涼影入簾踈
消此六月暑不妨三逕紆相逢稽中散縱酒亦清樗

徐公子東園

座歛鍾山翠城虛白下潮鳥啼花塢雜磴轉洞門遙
傍水邀明月停杯待玉簫月出客已醉蕭聲空自嬌

寄陸甥宜俯

汝去吾廬冷空庭綠蘚生春泥活蕙草朝雨聽鶉鷓
老樹新花潔疏絃古調清無書報時事獨酌破愁城
酌酒與姪靈德勵志

莫畏前程遠常如初發劔百年春未暮游子鬢猶青
一樹鳴雙鳥孤亭帶數星花開催雁去斟酒聽叮嚀

暑夕

碧山清簟暑渾消艾葉菖蒲影動搖
魚水鳥穿花疾採蓮溪女答歌遙
壺中倒景空無際海上蓬萊隱
見標卧起北窓無一事觀棋終日伴漁樵

訪文壽承休承憇聽松房

崖路登登曲鶯啼求友朋園香池竹長林暝水霞蒸
蠟屐終憂蘚綸巾吳避藤藏脩經歲月乞偈與山僧

勞鳴玉讀孤園

讀易千巖裏令人想綠蘿秋來紅葉亂卧處白雲多
茶竈因泉寄山經選石磨竹邊樵路熟霜後擬重過

送潘子汝亨還廬江

秋光不覺盡紅葉已無多半載同山寺天涯柰別何
短檠猶掛壁長劔不成歌片月隨君遠丹崖空綠蘿

春日徐子民則過玄秀樓

山樓留客晚清話引杯長踈竹漏新月平湖鋪夕陽
春風變鳥語花香開蜜房綠烟銷不盡白鷺起滄浪

寄贈王秉之經府

雲沙何渺渺不見子猷居少室星辰動重湖烟浪虛
載回天上鶴草得枕中書玉雪郎君秀于公固有餘

吳秋官惟新席上

鍾山桂子早秋愛白雲司鳳野回 黃屋龍城帶綠
陂酒中聞大道絃外得相知瓊樹果消渴風流端在
茲

守谿太傅見招

相公開綠野題咏屬諸生松下琴罇淨城頭雲鳥晴
碧桃封玉洞紫鳳發秦京要識夔龍味從容酌大羹

春江圖

錢塘江勢濶小艇剡溪來樹綠津橋合天青石壁開
茫茫烟入手團團月瀉杯百川波浪暖二月已生苔
李時賢別十三年始得相見悲喜交集燈
下賦此

八八新戰後萬嶺遠來人驛路逢歸鴈天涯戀暮春
樽香月出早花夜鳥啼頻把袂先憂別何如夢裏親
春盡馬禪寺

斜日上河股殘春投佛家維摩元有榻優鉢已無花
桑下曾聞道松間聽煮茶坐來心自適此地寂無譁
牡丹宴李子時賢

名花不奈江湖冷歡會難酬久別情水上月來殊悄
悄峯前霞起故盈盈流檀細逐金樽轉啼鳥休令遠
客驚正是綠窓芳草地却憐人面獨分明

送王子望之春試

平生子虛筆新瑞吐霜毫此去登天府重看奪錦袍
溪雲不共宿山月亦虛高獨咲朝歌老時明尚鼓刀

登長干浮圖

江煙何太碧寶塔客能攀
畫靜有雲宿天晴見鳥還
潮聲滄海岸樹色歷陽山
豈是吹簫伴來吟霄漢間

懷陸子玄

月出前山白水長花開北苑桂枝涼
空懸錦瑟人何處不候香車徑半荒
秋興有期雲際榻舊題重掃石
間霜多君不特辭章美世外談玄趣未忘

書懷

夕花留青苔朝霧宿朱幕
草色滿池塘鳥啼空山閣
已負春前期始覺夢中錯
悠悠湘江水臨酒不能酌

清涼寺赴趙敦夫二首

入逕雲已遠雲中更有臺
天開京國壯樹隱漢江

來復澗寒疑雪懸崖滑有苔
悠然明鏡裏得友好壺
杯

六月豈無暑林間獨洒然
鳥啼三面竹雲動一池蓮
已蛻塵中骨誰叅石上禪
鍾山有餘翠終日墮杯前

秋日沈明卿至山房

江上秋來好碧山共揮談麈翠微間
藤蘿欲暝愁猿嘯松木初香愛鳥還
鏡裏風花猶點點琴中寒澗自
潺潺慙慙解我玄經意相對侯巴未厚顏

陳秀甫載酒幕府八韻

華軒多野色槐影動涼天
幕已迎秋霽庭猶愛禁
烟曳裾何遑遞載酒慰幽偏
山鳥喧還喜林花暖欲
然鄉情誰最切世義我叨先
談借王生塵吟同謝客

篇近池霞未落遠樹日猶懸佳期不辭醉擬共青氈
眠

贈陳督經

幕府聞房松栢香冰絃不動午風涼美人脩竹湘江
近秀句黃花秋興長座上難爲無忌客苑邊容得子
雲牀山迎碧宇流霞淨紫氣朝朝發錦囊

虎丘退居集友人二首

磴從天上轉林忽水邊迴芳草未全歇白蓮將又開
鍾鳴雲起鉢客過雨生苔四境盡空寂禪牀安在哉
檻外斜吳苑林間促羽觴池花搖暑淨泉韻雜松涼
念別經時久重來咲客忙小吳新裏月臨發亦清光

吳門夏日八首

邗溝風動水萍開暖日遊絲覆酒杯吳越旌旗二千
載落霞多處一登臺

十里汀洲白稭風梧桐園在舊行宮不聞鸚鵡開籠
語唯見荷花貼水紅

天畔故人空有約雨中精舍寂無譁重重綠樹藏啼
鳥日日飛流送落花

闔閭城頭多夜烏金昌士女唱吳趨儂家咫尺猶關
恨誰道遼陽路不迂

吳鉤靶短紫絲長舞袖連牽踏月光莫道別時秋尚
早夜來桐葉已生霜

落日投竿撫釣磯水花如雪玉鳧飛羅裙搖擄橫塘
近何處菱歌月下歸

夏駕湖頭盪漿輕武丘山上汲泉清江南水宴鷄頭
綠脩竹叢中好聽鶯

煮來菰米瓦盆盛新婦能烹瓠葉羹我醉復醒醒復
醉滄浪聽得不分明

頤孫堂席上二首答鄭常伯陳道通陳道
濟陳子顯

樹中江宛轉烟外路微茫鳴雨客何遠留人情更長
熟梅吹草綠百合映堂香但怪鶯啼急何憂燈燭光
正是楓橋北青山一向斜開尊拂水鳥停瑟送窓霞
飲合朋簪洽遊兼文事嘉天陰客發緩繫馬恋雲沙

王子天文沈子明齊見過

草綠天無際山深客有情陰房穿礧冷青甃繞雲平

烏護仙家樹僧迎谷口旌武陵春未盡莫信片帆輕

潘子脩伯陳子啓之秋日登縹緲峰

秋光碧宇遠寒山青道斜仙人期采藥緩緩服好乘霞
天近遊常慘巖空到亦嘉風輕萬水靜正見十洲花

春日宴燕翼樓與復約昆玉

新水生魚藻江花發野棠樓臺春酌緩賓友道風長
美豆重珍鱸名言間異杏莫愁舟去晚明月在河梁

携壺

村村有流水樹樹好題詩雲館臨梯峭風林出月遲
活魚供玉鱠新藕擘銀絲滌暑翻宜酒壺觴晚更携

憑虛閣晚眺

八寺先觀竹寺山便作眠雨乾巖翠落溪暖棧花鮮

風靜忽語鐸春深初種蓮草堂無處覓開山不計年

雜詩五首

素女手中絲化作玄夜霜夜長聲不絕擬織雙鴛鴦
雙飛復雙宿比翼無猜防中恐遭分散悲鳴各一方
恩情難終極離別易悽涼言念薄倖人拋織裂中腸
女蘿有遠條托附青松樹飛揚日榮好身高不知懼
棘心一何多纏綿復太固土薄根終危剪伐將安措
立身無依阿致遠在跬步燦燦青雲途遲遲屢回顧
瓜苦不可知溝水不可踰人心若高山欲叩焉可虞
儀秦反覆子陳張功利徒口血尚未乾安得操戈及
我有一樽酒為子陳區區忠貞苟自愛白首免長吁
粥粥孟姜操霜雪爭寒輝豈不願偕老勵志庸暫違

良人多歡護說妬生是非秋風落長門寂寂悲羅幃
明月照幽房切切鳴素機懷忠不見報誓信祗取譏
姦回日崇長漸致耆舊希太陽不回光長夜將安歸
門外繫白駒堂上陳絲簧今日樂相逢良友忽滿堂
晨光臨觴坐徹燭歡未央高談薄雲天名義烈秋霜
神恬適吾真志曠無猜防永言鑿千秋焉得不流芳

泊龍江

虎旅霜鳴斗王人夜守津已聞歸塞鴈不見渡江春
溪館白雲宿漁曾碧火親半輪關上月起照候潮人

贈陸黃門子潛

藻思馳文苑新街出諫垣向
天脩袞職待漏佇金門相馬非凡目蒐材屬大藩

不知天下士誰得慰
臨軒

採桑篇

朝採桑夕採桑長安春盡烟草長
釵頭網虫結鳳皇
朝來暮去不滿筐不滿筐多繁牽
誤折合歡枝青青
雙可憐踟躕未能去黃鳥鳴枝巔
鳥鳴轉悽惻玉腕
雙無力紅塵綠纈暗天涯舉頭日暮空
太息本擬春
蠶繭成疋縫衣寄與隴頭客
綠錢走樹無心採暗滴
臙脂浣裙碧浣裙碧臙脂銷愁心
欲寄路轉遙蒼苔
晚來濕羅靴東風暗損羅敷嬌
嬌易損恨難酬千絲
萬纈徒綢繆夫君若識
余閨意不使佳人空白頭
秋夜虛白東堂赴顧貞卿召

瓊卮承露氣醴酒發秋香
鍾起烟初合
鳴院早涼
縣燈柱影綠搏座菊錢黃
別促憐明月常悲行子忙

巖學士鈴山堂十二韻

開門展雲山座上掃寒翠
木秀千巖踈花幽萬谷邃
川流如白虹郊原亦明媚
水陸俱清華俯仰成品位
靈光拱四簷盤鬱起祥瑞
主人玉堂仙瑤樹迥無累
牙籤三萬軸文采映天地
泉香渴猿窺園綠珍鳥至
丹霞入彩毫皓月發秋思
一入

金華筵松竹付童稚乃知光岳間
挺生果卓異
它年
玉帶歸山靈喜無媿

陽山草堂

伊昔思陽山
凡棲不時至
御風乏仙才
延佇日繁志

逍遥山中居虛無露端士懷哉殊不遐欣然若將遇
蔚遵高林蘿鮮狎蘭茗翠玄黃采金膏丹青服雲氣
昔沮鰕生眩今諧甲乙歲竒草俱延齡銀房有虛位
神飈窓間出揚蕤散塵翳屬音已恍惚扣岩必靈異
雖畏碧瀑寒冀逃秋暑厲子能命鹿車予方緩鸞轡

吳東礪品悟道泉

青霞翳沓嶂綠竹迷重關豈知天竅靈千古封潺湲
取供學佛人一飲通聖頑吳公吾舅氏心與泉石閒
品水得方法勝事傳人間白鹿一朝去妙韻不可攀
至今蒼巖下屐齒生苔斑松杉擗寒澗唯有雲月還
阿戎亦佳士吟咏莫不慳欲覓嘗茶龍同子卧東山
林屋山人集卷之七